

畿輔通志卷一百九十七

列傳五 南北朝一

南北朝

順天府

呂羅漢

祖顯父溫

皮豹子

子喜

公孫軌

子睿睿子良軌

弟質

質子邃

邃子同慶

道虞

道偏

道約

敏

景

父邈

子度世

孫淵

道亮

尚子文甫

文翼

文符

道約

子正通

道將

子懷祖

仲義

懷仁

元從祖兄溥

溥元孫洪

洪子崇

侍伯

侍伯

洪子崇

仲義

洪姪觀

洪從弟附伯

道慎

道約

侍伯

侍伯

洪子崇

仲義

酈範

子道元

道慎

道約

侍伯

侍伯

洪子崇

仲義

陽尼

從子鳴鶴

從孫

承慶

季智從弟荆

季智從子藻

固子詮之

高閭

子幼成

孫

欽

閭弟悅

孫

悅

藻子弼

藻從弟固

固子詮之

高閭

子幼成

孫

欽

閭弟悅

孫

悅

悅

平恆

盧同

兄子景裕

盧誕

會祖宴

父叔仁

父叔仁

父叔仁

父叔仁

父叔仁

父叔仁

盧文偉

子恭道

恭道子詢祖

李廣

族人子道

族子道

劉靈助

族子道

族子道

族子道

盧廣

盧楚

保定府

許彥

元孫恂

石文德

祖苗

張雕

子德冲 德揭

河間府

高允

父韜

子忱

懷

懷子綽

允弟推

變

允從叔

允族兄毗

濟孫師

師子和仁

高祐

父讜

子和璧

和璧子顯

雅

高道悅

族姪敬猷

高謐

子樹生

翻

兄眞

拔弟

膳兒

徽

膳兒子吞

盛

陀子雍

盛

封回

子隆之

興之

兄琳

琳子肅

琳子肅

邢巒

五世祖

祖穎

子遜

同族叔軌

軌子偉伯

虬

姪昕

晏子亢

蠻叔祖祐

祐子產

祐從子

虬子臧

臧子恕

虬從子策

叔寶從子長仁

長仁從弟述

李叔虎

從祖金

述子象

兄叔寶

叔寶從子長仁

長仁從弟述

高崇

子謙之

道穆

慎之

緒

馬敬德

馬敬德

馬敬德

馬敬德

馬敬德

馬敬德

馬敬德

權會

張思伯

邢峙

劉晝

劉軌思

劉敬和程師則

鮑季詳

從弟長暄

封延伯

楊慶

祖元

父剛

尹式

族人正卿彥卿

劉善經

南北朝

順天府

呂羅漢其先本東平壽張人石勒時徙幽州祖顯字子明少

好學性廉直鄉人有忿爭者皆就質焉慕容垂以爲河間太

守後以郡降魏魏太祖嘉之賜爵魏昌男拜鉅鹿太守清身

奉公妻子不免飢寒百姓頌之父溫字晞陽善書好施有文

武才略世祖伐赫連昌以溫爲幢將先登陷陣每戰必捷以

功拜宣威將軍奉車都尉出爲秦州司馬遷上黨太守善勸

課有治名卒贈平遠將軍豫州刺史野王侯諡曰敬

魏書

羅漢

弱冠以武幹知名溫之佐秦州時羅漢隨侍隴右氏楊難當
寇上邽鎮將元意頭知羅漢善射共登西城樓令射難當隊
將及兵二十三人應弦而殪而賊衆轉盛羅漢曰今不出戰
是示弱也意頭卽簡千餘人令出戰衆皆披靡難當大驚會
世祖賜難當璽書責其跋扈難當乃引還仇池意頭具以狀
聞世祖嘉之徵爲羽林中郎上邽休官呂豐屠各王飛廉等
據險爲逆詔羅漢討擒之從征縣瓠與瑯邪王司馬楚之駕
前招降者九千餘戶比至盱眙頻破賊軍擒其將顧儼李觀
之等以功遷羽林中郎幢將賜爵烏程子加建威將軍及南
安王余立羅漢猶典宿衛高宗之立羅漢有力焉遷少卿仍
幢將進爵野王侯加龍驤將軍拜司衛監遷散騎常侍殿中
尚書進爵山陽公

北史

及蠕蠕犯塞顯祖討之羅漢與右僕射

南平公元目振都督中外軍事出爲鎮西將軍秦益二州刺史時仇池氐羌反逼駱谷鎮將吳保元走登百頃請援於羅漢羅漢率步騎隨長孫觀掩擊氐羌大破之賊退詔曰仇池兵革屢興卿應機赴擊殄此兇醜若不道之以德齊之以刑寇賊莫由可息可詔集豪右擇其事宜以利民益國爲本隨其風俗以施威惠其有安土樂業奉公勤私者善加勸督稱朕意焉

魏書

涇州民張羌郎聚衆千人州軍討之不能制羅漢

擊禽之仇池氐羌叛逆其賊帥蜚廉苻析等皆受宋官爵鐵

券略陽公伏阿奴爲都將與羅漢赴討破之禽廉析等秦益

阻遠南連仇池西接赤水諸羌恃險數爲叛逆自羅漢莅州

撫以威惠西戎懷德土境帖然

北史

魏高祖詔曰赤水羌民遠

居邊土非卿善誘何以招輯卿所得口馬表求貢奉朕嘉乃

誠便敕領納其馬印付都牧口以賜卿徵拜內都大官聽訟
察獄多得其情太和六年卒於官賜命服一襲贈以本官諡
曰莊公長子興祖襲爵山陽公後例降爲侯景明元年卒興
祖弟伯慶爲中散咸陽王禧郎中令伯慶弟世興校書郎羅
漢弟大檀爲中散恆農太守大檀弟豹子東萊鎮將後改鎮
爲州行光州事豹子弟七寶侍御中散遷少卿出爲假節龍

驤將軍東雍州刺史

魏書

皮豹子漁陽人少有武略魏泰常中爲中散稍遷內侍左右
世祖時爲散騎常侍賜爵新安侯加冠軍將軍又拜選部尙
書都督秦雍荆梁四州諸軍事安西將軍開府儀同三司進
爵淮陽公鎮長安尋加征西將軍坐盜官財徙統萬眞君三
年以宋將裴方明等陷仇池徵復爵位尋拜仇池鎮將督關

中諸軍與建興公古弼等分十道並進四年正月進擊樂鄉大破之擒宋將王奐之王長卿等六人斬首二千餘級俘獲一千人進軍下辨宋將強元明辛伯奮棄城遁追斬之悉獲其衆宋使其秦州刺史胡崇之鎮仇池至漢中聞魏軍已西懼不敢進豹子與司馬楚之率師至濁水擊擒之盡虜其衆進至高平宋將姜道祖降仇池平尋除都督秦雍荆梁益五州諸軍事進征西大將軍開府仇池鎮將持節公如故十一月宋復遣楊文德姜道盛率衆二萬攻濁水別遣將青陽顯伯守斧山拒豹子濁水城兵射殺道盛豹子至斧山斬顯伯悉俘其衆豹子又與河間公元齊俱會於濁水宋師震恐棄其兵甲夜遁初南秦王楊難當歸命詔送楊氏子弟詣京師文德以行賂得留亡奔漢中宋以文德爲武都王給兵二千

人守葭蘆招誘氏羌於是武都陰平五部氏民叛應文德召
豹子率諸軍討之文德阻兵固拒而其將楊高來降引諸軍
往攻文德棄城南走遂收其妻子僚屬軍資及故武都王保
宗妻公主送京師宋白水太守郭啟元率衆救文德豹子分
軍逆擊大破之啟元文德走還漢中興安二年正月宋將蕭
道成王虬馬光等入漢中別令楊文德楊頭等率諸氏羌圍

武都豹子分兵往救至女磊

魏書

聞宋增兵表狀求助詔高平

鎮將苟莫于率突騎二千以赴之道成等乃退徵爲尙書出
爲內都大官宋遣其將殷孝祖修兩當城於青東以逼南境
天水公封敕文擊之不剋詔豹子與給事中周邱等助擊之
宋瑕邱鎮遣步卒五千助成兩當豹子大破之未幾遂班師
北史先是河西諸胡亡匿避命豹子及前涇州刺史封阿君督

河西諸軍南趣石樓與衛大將軍樂安王良討羣胡與胡相
值而豹子等不知胡遁走坐免官及是以功擢爲內都大官

和平五年六月卒贈淮安王諡曰襄賜命服一襲子道明襲

爵道明第八弟喜

北史作
懷喜

高宗以其名臣子擢爲侍御中散

遷侍御長高祖初吐谷渾拾寅部落饑窘侵涼澆河詔假喜

平西將軍廣川公領涼州枹軍高平諸軍與上黨王長孫觀

討拾寅又拜爲使持節侍中都督秦雍荆梁益五州諸軍事

本將軍開府仇池鎮將假公如故以其父豹子昔鎮仇池有

威信故也喜至申布恩惠夷民大悅酋帥强奴子等各率戶

歸附於是置廣業固道二郡以居之徵爲南部尙書賜爵南

康侯加左將軍太和元年宋葭蘆戍主楊文度遣弟鼠據仇

池喜率衆四萬討鼠軍到建安鼠棄城南走進次濁水遣平

西將軍楊靈珍擊文度所置仇池太守楊眞眞衆潰喜遂軍於覆津文度將强大黑固守津道喜部分將士攀崖涉水衝

擊大黑大黑潰走進攻葭蘆城拔之斬文度傳首京師

魏書詔

慰勉之又詔於駱谷築城喜上表求待來年下詔峻責南天

水郡民柳旃據險作亂喜率衆討滅之轉散騎常侍

北史安南

將軍豫州刺史以飲酒廢事詔遣使者就州決杖七年卒贈

以本官諡曰恭公子承宗襲爵喜弟雙仁冠軍將軍仇池鎮

將

魏書

公孫軌字元慶燕郡廣陽人吳兵將軍廣州刺史表之第二

子也少以文學知名太宗時爲中書郎出從征討補諸軍司

馬世祖平赫連昌引諸將帥入其府藏任取金玉軌獨不肯

前世祖乃親探金賜之謂軌曰卿可謂臨財不苟得朕所以

增賜者欲顯卿廉也後兼大鴻臚持節拜氏王楊元爲南秦
王及境元不郊迎軌數元曰昔尉他跨據及陸賈至匍匐奉
順故能垂名竹帛今君王無肅恭之禮非蕃臣也元使其屬
趙客子對曰天子以六合爲家孰非王庭是以敢請入國然
後受謁軌答曰大夫入境尙有郊勞而況王命者乎請奉策
以還元懼詣郊受命軌使還稱旨拜尙書賜爵燕郡公加平
南將軍及宋將到彥之遣其部將姚縱夫濟河攻冶坂世祖
慮更北入遣軌屯壺關會上黨丁零叛軌討平之出爲虎牢
鎮將初世祖將北征發民驢以運糧使軌部詣雍州軌令驢
主皆加絹一疋乃與受之百姓爲之語曰驢無強弱輔弼自
壯衆皆嗤之坐徵還眞君二年卒時年五十一軌旣死世祖
謂崔浩曰吾行過上黨父老皆曰公孫軌受貨縱賊至今餘

奸不除軌之咎也其初來單馬執鞭返去從車百兩載物而南丁零渠帥乘山罵軌軌怒取罵者之母以矛刺其陰而殺之曰何以生此逆子從下倒擘分磔四支於山樹上以肆其忿是忍行不忍之事軌今在者吾必族而誅之軌娶於封氏生二子斌睿斌襲爵拜內都大官正光二年卒贈幽州刺史睿字叔文初爲東宮吏稍遷儀曹長賜爵陽平公時顯祖於苑內立殿敕中祕羣官制名睿曰臣聞至尊至貴莫崇於帝王天人挹損莫大於謙光伏惟陛下躬唐虞之德存道頤神逍遙物外宮居之名當協睿旨臣愚以爲宜曰崇光奏可後卒於南部尙書贈安東將軍幽州刺史諡曰宣睿妻崔浩弟女也生子良字遵伯聰明好學爲尙書左丞雅有幹用爲高祖所知遇良弟衡字道津良推爵讓之仕至司直良以別功

賜爵昌平子子宗基襲軌弟質字元直有經義頗屬文初爲中書學生稍遷博士世祖征涼州留宜都王穆壽輔恭宗時蠕蠕乘虛犯塞候騎至於京師京師大震壽雅信任質以爲謀主質性好卜筮卜筮者咸云寇必不來故不設備由質幾致敗國後深自督厲屢進讜言超遷尙書眞君九年卒追贈中護軍將軍光祿勳幽州刺史廣陽侯諡曰恭第二子邃字文慶初爲選部吏以積勤稍遷南部長敷奏有稱遷南部尙書賜爵范陽侯加左將軍高祖召邃與內都幢將上谷公張儵率衆伐齊舞陰戍後高祖與文明太后引見王公以下高祖曰比年方割畿內及京城三部於百姓頗有益否邃對曰先者人民離散主司猥多至於督察實難齊整自方割以來衆賦易辦實有大益太后曰諸人多言無益卿言可謂識治

機矣詔體陽被掠之兵有得還者賜絹二十匹遂奏爲貴賤
等級高祖稱善依例降侯改襄平伯出爲使持節安東將軍
青州刺史下詔褒美加鎮東將軍領東夷校尉刺史如故太
和十九年卒官高祖在鄴宮爲之舉哀時百度唯新青州佐
吏疑爲所服詔曰今古時殊禮或隆殺當斟酌得失吏民之
情亦不可苟順也主簿近代相承服斬過葬便除可如故事
自餘無服大成寥落可準諸境內之民爲齊衰三月子同始
襲爵卒於給事中同始弟同慶篤厚廉慎爲司徒田曹參軍
李崇驃騎府外兵參軍隨崇北征有方直之稱

魏書

盧元字子眞范陽涿人曾祖謚晉司空劉琨從事中郎祖偃
父邈並仕慕容氏爲郡太守皆以儒雅稱魏神麀四年辟召
儒儁以元爲首授中書博士司徒崔浩元之外兄也每與元

言輒歎曰對子眞使我懷古之情更深浩欲齊整人倫分明
姓族元勸其三思浩雖無異言竟不納浩敗頗亦由此後轉

甯朔將軍兼散騎常侍

魏書

賜爵固安子使宋宋文帝嘉之與

語良久曰卿曾祖卽昔中郎耶還遇病卒贈平東將軍幽州

刺史固安侯諡曰宣

北史

子度世字子遷幼而聰達有計數爲

中書學生應選東宮後以崔浩事棄官逃於高陽鄭羆家羆

匿之使者囚羆長子拷掠備至兼以火焚其體以羆戒勿言

竟堅忍以死度世旣免乃令弟娶羆妹以報其德久之世祖

詔赦度世度世乃赴京拜中書侍郎襲爵興安中兼太常卿

以立保太后父遼西獻王廟加鎮遠將軍進侯爵後除散騎

侍郎使宋以應對失詞還被禁劾經年乃釋除假節鎮遠將

軍濟州刺史州接敵境每互相侵掠度世乃禁勒所統還其

俘虜二境以甯後坐事囚繫久之還鄉里尋徵赴京除平東將軍青州刺史未拜卒年五十三諡曰惠侯四子淵敏景尙淵字伯源小名陽烏性溫雅寡欲敦學業睦宗族有祖父風襲侯爵拜主客令典屬國遷祕書令尋以例降爲伯給事黃門侍郎遷兼散騎常侍祕書監本州大中正是時高祖將立馮后集朝臣議之先謂淵曰卿意以爲何如對曰此自古所慎如臣愚意宜更簡卜高祖曰以先后之姪朕意已定淵曰雖奉敕如此然於臣心實有未盡及朝臣集議執意如前及高祖議伐齊淵表諫且言關右之民競設齋會以相扇惑愚謂宜速懲絕截其魁率否則懼成黃巾赤眉之禍魏書詔優答之北史及車駕南征以趙郡王幹督關右諸軍事詔淵持節爲安南將軍以副之勒衆七萬將出子午魏書以齊武帝殂停師

是時涇州羌叛殘破城邑淵以步騎六千號三萬徐行而進
未經三旬賊衆逃散降者數萬口唯梟首惡餘悉不問詔兼
侍中初淵年十四嘗詣長安將還五十餘人餞於渭北有相
者扶風人王伯達曰盧郎後二十餘年當制命關右願毋相
忘及是相者年過八十矣詣軍門請見北史未幾拜儀曹尚書

以考課降守常侍尚書奪常侍祿一周尋除豫州刺史以母

老固辭

魏書

齊雍州刺史曹虎請降乃以淵持節爲安南將軍

督前鋒諸軍徑赴樊鄧淵以不諳軍旅辭帝不許淵曰臣恐

曹虎爲周魴耳陛下宜審之

北史

虎果僞降淵至葉具陳其謫

詔淵進取南陽淵以兵少糧乏表求先攻赭陽以近葉倉故
也高祖許焉乃進攻赭陽爲齊所敗坐免官尋遭母憂高祖
遣謁者詣宅宣慰服闋兼太尉長史高祖南討又兼彭城王